

ՀԱՐԱՌՈՐԴԻՈՒԲԱՆՆԵՐ

ՍՏԵՓԱՆ ՍՏԵՓԱՆՅԱՆՅ
պարմական գիր. թեկնածու

ՄԱՅՐ ԱԹՈՒ Ս. ԷԶՄԻԱԾՆԻ ԳԱՆՁԵՐԸ ՌՈՒՍԱՍՏԱՆ ՓՈԽԱԴՐԵԼՈՒ ՆԱՐՅԻ ՇՈՒՐՋ

Ռուսաստանի և Թուրքիայի միջև պարերազմը սկսվելուց առաջ Մայր Աթոռ Սր. Էջմիածնում պահվող թանկարժեք իրերի՝ Ռուսաստան փոխադրման հարց բարձրացվեց՝ դրանք փրկելու համար թուրքական բանակի՝ Կովկասյան փարածք հանկարծակի ներ-
խուժման դեպքում:

1914 թ. հուլիսի 25-ին Կովկասի ունեցած Մայր Աթոռի դիվանական խորհրդի նիստը նվիր-
ված էր Նայ Եկեղեցու ունեցվածքի ապահով և անվտանգ պահպանմանը: Նիստի մասնա-
կիցները՝ Բագրատ և Մարթոս Եպիսկոպոսները և Բարգեն վարդապետը, փազնապով
նշեցին, որ Նայ Եկեղեցու թանկարժեք իրերը այնքան էլ անվտանգ չեն, եթե նկատի ունե-
նանք, որ գտնվում են շուրջով սկսվելիք պարերազմի ռազմաբեմին շար մոտ: Գտնվելով
այսպիսի փազնապալի վիճակում՝ Դիվանական խորհրդի անդամները հետագիր ուղղեցին
կովկասի փոխարքա կոմս Ի.Ի. Վորոնցով-Դաշկովին, որով խնդրում էին Նորին Պայծառա-
փայլությունից հաղորդել, թե «արդյոք վրանգ չի՞ սպառնում Էջմիածնի Նայրապետությանը
(թանկարժեք հնություններին, զգեստներին, հին ձեռագրերին, պարմական փաստաթղթե-
րին), նաև իմանալ Տեր Փոխարքայից, թե արդյոք պետք է ավելի ապահով Կովկասի
Թիֆլիս) փոխադրել այդ իրերը, եթե՝ այո, արդյոք ե՞րբ և ինչպե՞ս»¹:

1914 թ. աշնանը թուրքական զորքերն անցան հարձակման: 1914 թ. հոկտեմբերի 18-ին
Թիֆլիսի Ազգային բյուրոյի նախագահ Ս. Նարությունյանը, անհանգստացած Մայր Աթո-
ռի ունեցվածքի համար, Մայր Աթոռի դիվանին գրում էր. «Դրությունը պահանջում է արա-
գացնել հայրնի իրերի Թիֆլիս ուղարկելը: Զինվորական գործողություն է սպասվում»: Իսկ
մյուս օրը հոկտեմբերի 19-ին, Ս. Նարությունյանը հեռագրեց. «Նայրուցեք Նորին Սրբութ-
յանը, թե հայրաբարձվել է պարերազմ: Շտապեցրեք իրերի ուղարկումը»²: Այս հեռագիրը
ստանալուն պես Վեհափառը համաձայնեց Թիֆլիս փոխադրել. «ա. Մայր Աթոռի զանձա-
րանում գտնվող բոլոր փոխադրվող թղթերն ու բանկերի մուրհակները, բ. թանգարանի ու
մարենադարանի զգեստները և նշանավոր ձեռագրերը, նաև. մասունքները, գ. կարևոր
փաստաթղթերը, կալվածքների հարակազմերը և պարմական գործերը»: Մյուս հետ մեկ-

1 ՀԱԱ, ֆ. 57, ց. 5, գ. 72, թ. 1:

2 ՀԱԱ ֆ. 57, ց. 2, գ. 1041, թ. 3:

յրեղ Մարիթիմոսը հանձնարարեց Վիրահայության թեմի առաջնորդ Մեսրոպ Եպիսկոպոսին, խորհրդակցելով թեմի հայրնի հայ հասարակական և ազգային գործիչների հետ, թե ինչպես պետք է այդ արժեքները փոխանցել «մինչև վրանգի անցնելը», և այդ խորհրդակցությունից հետո միայն զեկուցել փոխարքային իրերի փոխադրության մասին ու նրան խնդրել ժամանակին փրամադրել վագոն և զինյալ պաշտպանություն Ս. Էջմիածնից մինչև, նշանակված վայրը և իրերը փոխել հենց իր՝ Մեսրոպ Եպիսկոպոսի ուղեկցությամբ³:

Սարիղամիշի շրջանում թուրքերը անցան հարձակման: Կովկասի ռազմաճակատը մի որոշ ժամանակ մնաց շփոթ դրության մեջ: 1914 թ. նոյեմբերի 13-ին Մայր Աթոռի դիվանը Թիֆլիսից՝ փոխարքայի դիվանից, սպառցավ «պարերազմական իրավիճակում գավառային և նահանգային հիմնարկությունների գույքի մի մասի փոխադրության մասնավոր կանոնադրություն», որի երրորդ կետում ասված էր, որ պարպաղի փոխադրման ենթակա են «դրամ, արժեթղթեր, պարպամուրհակներ, գրավաթղթեր, ինչպես նաև առաջին կարևորության վավերաթղթեր, որոնք ենթակա են հավերժ պահպանության»⁴:

1914 թ. դեկտեմբերի 20-ին Կովկասի փոխարքայի գրասենյակի փոխպնօրենը Ս. Էջմիածնի ուղարկեց կարգադրություն, որ ասված էր, որ վերոհիշյալ կանոնադրության մեջ նշված գույքը անհրաժեշտ է շուրջափույթ փողով փոխել Նյուսիսային Կովկաս: Փոխադրման վայրը դեռ անհայտ էր. սկզբում դա Թիֆլիսն էր, հետո՝ Նյուսիսային Կովկասի շրջանները, մասնավորապես Արմավիր, հետո դարձավ Մոսկվան:

Դեկտեմբերի 20-ին Մայր Աթոռի դիվանապետ Բագրատ Եպիսկոպոսը իր հեռագրում գաղտնաբար հաղորդում էր Մոսկվայի Նայ եկեղեցական խորհրդին, որ Նորին Սրբության կարգադրությամբ և Ս. Սինոդի որոշմամբ 150 արկղերում Ս. Էջմիածնից Մոսկվա պետք է ուղարկվեն եկեղեցական իրեր՝ դրանք անվտանգ և հարմար ձևով փողով փոխելու համար հայոց եկեղեցու պատերի ներսում⁵:

Մոսկվայի Նայ եկեղեցական խորհրդի նախագահ Կուսիկյանը պարպասարկամություն հայրնեց ընդունելու Մայր Աթոռի իրերն ու ձեռագրերը և ապահովելու դրանց անվտանգությունը: Բագրատ Եպիսկոպոսը պարպասիանեց, որ «իրերը և ձեռագրերը մութ օրերս անպայման կուղարկվեն»⁶:

1914թ. դեկտեմբերի 22-ին սկսվեցին և մինչև 1915թ. հունվարի 18-ը շարունակվեցին թուրքական երկրորդ բանակի և ռուսական կովկասյան բանակի միջև համառ մարտերը, որոնք սպառան «Սարիղամիշի օպերացիա» անվանումը: Արյունահեղ մարտերից հետո թուրքական զորքերը գրավեցին Սարիղամիշը:

Սակայն շուրջով նախաձեռնությունն անցավ Կովկասյան բանակի ձեռքը, և ռուսական զորքերն անցան հակահարձակման, վերադարձրին Սարիղամիշը և ոչնչացրին 40- հազարանոց 9-րդ թուրքական կորպուսը:

Սարիղամիշի ուղղությամբ թուրքական զորքերի հարձակման օրը Կովկասի փոխար-

3 Տե՛ս ՆԱԱ ֆ. 57, ց.5, գ. 2303, թ. 3:

4 ՆԱԱ ֆ. 56, ց.16, գ. 544, թ. 20:

5 Տե՛ս ՆԱԱ ֆ. 57, ց.2, գ. 2303, թ. 3:

6 Անդ, թ. 7:

քայի քաղաքացիական մասի օգնական սենյակում Պերերսոնը Երևանի նահանգապետ կոմս Տիգրանատյանին փողեկացրեց, որ գլխավոր հրամանատարի կարգադրության համաձայն նահանգից Արմավիր քաղաք պետք է փոխադրել նահանգային բոլոր հիմնարկների գույքը⁷:

1914 թ. դեկտեմբերի 23-ին Վեհափառ Տայրապետը Սինոդին վերջնականորեն հայտարարեց. «Սինոդի Ս. Էջմիածնի գլխի խորհրդակցելով ընդ ազգային գործիչս Ի Տփիսիս քաղաքի և աստի ընդ արևմտակալոյ. ի պարճառս վրանգալից հանգամանաց Ռուս- տանական պարերագմին որոշեցաք առաքել գիրեղենս, գանթոս և զգգեստս թանկարժեք Մայր Տաճարիս և Թանգարանաց մերոց և զձեռագիրս մարտնադարանիս ի Մոսկվա ընդ ուղեկցութեամբ և հսկողութեամբ երկուց անդամոց Արենիոյ Տեարց Մարթէոս եպիսկոպոսի և Բարգէն վարդապետի վասն յանձնելոյ այդ պարտաւորժան Խորհրդոյ Եկեղեցիաց Տայոց, ի ներկայութեան պարգամաւորաց հասարակութեան Տայոց Մոսկուայի, անկորուստ պահպանութեան ցվախճան տոսկալի պարերագմի:

Ընդ սմին առաքելով ի գիտութիւն Արենիոյ գաւարճէն հեռագրաց յանուն Խորհրդոյ Եկեղեցեաց Տայոց Մոսկուայի և պարասխանաց նորին, պարտւէր տամք Արենիոյ փութիւնէլ զարժանն»⁸:

Հուսիկ արքեպիսկոպոսը վիրահայության առաջնորդ Մեսրոպ եպիսկոպոսից պահանջեց խնդրել իշխանություններին, որ պրամադրեն վագոններ եկեղեցական ունեցվածքը փոխադրելու համար:

1914թ. դեկտեմբերի 23-ին Մեսրոպ եպիսկոպոսը Կաթողիկոսին փողեկացրեց. «Մերոնք փայլուն հաղթանակ են տարել, ոչնչացված է և գերի են վերցված երկու թուրքական կորպուսներ, որոնց թվում՝ կորպուսի հրամանատարը, սպայակույրը, գնդացիներ և հրե- րանին»⁹:

Փոխարքայության վարչակազմի աշխատակիցների հետ բանակցելուց հետո կոմս Տիգրանատյանը հաղորդեց Մայր Աթոռին. «Դեկտեմբերի 27-ին վանքի գույքը փողափոխելու համար կորամադրվեն երեք ապրանքատար վագոններ»¹⁰: Մակայն, երբ ռազմաճակատի դրությունը փոփոխվեց իսկույն ժամանակ. Մայր Աթոռի դիվանը հեռագրեց Երևանի նահանգապետին. «Նկատի ունենալով հանգամանքների փոփոխությունը՝ վանական գույքի փողափոխումը ժամանակավորապես հետաձգվում է, ինչի մասին էլ Սինոդը հաղորդում է Ձերդ Պայծառափայլությանը և խնդրում է անել անհրաժեշտ կարգադրություններ»¹¹:

Մինչև 1915 թ. հունվարի 14-ը Տայ Եկեղեցու ունեցվածքի փողափոխման մասին ոչ մի խոսք չէր ասվում: Հունվարի 14-ին, Վեհափառի հրամանի համաձայն, Սյունյաց թեմի առաջնորդական փոխանորդ և Տաթևի վանքի վանահայր Վահան վարդապետ Տեր- Գրիգորյանի կարգադրությամբ Տաթևի վանքի արժեքավոր անոթները, զգեստները և իրե- ղենները մեկ արկղի մեջ դասավորվեցին և ուղարկվեցին Մայր Աթոռ: Այդ արկղի մեջ էին հերետյակ իրերը.

7 Անդ., թ. 30:

8 Անդ., թ. 35:

9 ՄԱԿ Ֆ. 57, ց.2, գ. 2309, թ. 15:

10 ՄԱԿ Ֆ. 56, ց.16, գ. 544, թ. 15:

11 Անդ., թ. 40:

1. Չորս աջեր՝ Ս. Նովիաննես Կարապետի, Ս. Սյուփանոսի և Արիստակեսի, արծաթակեզոճ, մեկը՝ մասամբ:

2. Ավերարան մագաղաթյա, ոսկեպատ կազմով ձեռագիր Ս. Գրիգոր Տաթևացու:

3. Ավերարան արծաթապատ, ձեռագիր և մագաղաթյա:

4. Նաև երկու արծաթյա բուրվառ, երկու եպիսկոպոսական գավազան՝ մեկը արծաթապատ, մյուսը փղոսկրյա և այլ իրեր: Ընդամենը հարյուր փասնեինգ կտոր իրեր¹²: Սրանք էին Տաթևի վանքի ամենահին և ամենաթանկարժեք իրերը:

1915 թ. հունվարի 15-ին Մեսրոպ եպիսկոպոսը հեռագրեց Մայր Աթոռ, որ գործող բանակի երկաթգծի պետ գեներալ Կարապովի կողմից կարգադրություն է արված երկու օրից երեք վազոն և փասը հոգուց բաղկացած զինված պահակախումբ փրամադրել՝ եկեղեցական իրերը Էջմիածնից անվտանգ Մոսկվա փեղափոխելու համար¹³:

Կովկասյան բանակի զորահավաքի պետ գեդապետ Սյուֆանկելիչը հեռագրեց Մայր Աթոռ Ս. Էջմիածին. «Վազոններ կփրամադրվեն հունվարի 20-ին»: Գեդապետին հաղորդվեց, որ գրադարանի՝ Մոսկվա փեղափոխման հարցը կլուծվի հունվարի 27-ից ոչ շուտ:

Ռուսական բանակի հաղթանակից հետո Մայր Աթոռ Ս. Էջմիածնում այնքան էլ փրամադրված չէին, որ եկեղեցական գույքը փոխադրվի այլ փեղ և ցանկանում էին, որ փեղափոխումը փեղի ունենա միայն «անհետաձգելիության դեպքում»¹⁴:

Հունվարի 17-ին Մեսրոպ Սրբազանը հաղորդում էր, որ եկեղեցական գույքը փեղափոխելու հարցը ուժի մեջ է մնում¹⁵:

1915 թ. հունվարի 5(18)-ին վերջացավ Մարիդամիչի օպերացիան: Իննսուներեք թուրքական բանակը Էնվեր փաշայի գլխավորությամբ, պարսվեց: Այնպես որ թուրքական նոր հարձակման վտանգը չվերացրեց Հայ Եկեղեցու գույքի շուրափույթ փեղափոխման հարցը, բայց դարձրեց երկրորդական :

Ոչ Գեորգ Ե. Կաթողիկոսը և ոչ էլ Էջմիածնի Ս. Սիմոն իրենց վրա չէին վերցնում մենակ որոշել Հայ Եկեղեցու ունեցվածքի ճակատագրի հարցը, և Մայր Աթոռի կարգադրությամբ ժուռահայոց թեմերում հրավիրվեցին թեմական ժողովներ, որ իրենց մասնակցությունն ունեցան կաթողիկոսական պարվիրակներ:

1915 թ. հունվարի 19-ին Երևանի առաջնորդարանում Մայր Աթոռ Սր. Էջմիածնի դիվանապետ Բագրատ եպիսկոպոս Վարդապարյանի նախագահությամբ և ներկայությամբ Երևանի փոխթեմակալ Խորեն եպիսկոպոս Մուրադբեկյանի, անցկացվեց թեմական ժողով, որին մասնակցեցին Ն. Մելիքյանը, Գ. Տեր- Խաչատրյանը, Գ. Ամիրյանը, Մ. Մուսինյանը, Խ. Նարությունյանը, Խ. Գրիգորյանը, Ն. Տեր- Միքայելյանը, Գ. Ահարոնյանը, Ա. Մելիքյանը, Թ. Տոգյանը, Ս. Խաչատրյանը, Գ. Մնացականյանը :

Բագրատ եպիսկոպոսի ելույթից հետո «ժողովը՝ քննվելիք խնդրի մասին Սրբազան Հայրը զանազան հարցեր փայտց և նորա բացատրություններն ու պատասխանները լսելուց և երկար խորհրդակցությունից հետո, եկավ այն եզրակացության, որ փեղափոխութ-

12 Տե՛ս ՆԱԱ ֆ. 57, ց.2, գ. 2309, թ. 15:

13 Տե՛ս ՆԱԱ ֆ. 56, ց.16, գ. 544, թ. 63

14 Տե՛ս ՆԱԱ ֆ. 57, ց.2, գ. 2309, թ. 16

15 Տե՛ս ՆԱԱ ֆ. 57, ց.16, գ. 544, թ. 64

յան հետ կապված են շատ դժվարություններ և վրանգ, ուստի ուշադրության առնելով այդ հանգամանքը, որ դժվար է հեշտությամբ որոշել պատերազմական վրանգը, նկատի առնելով նաև պարմական նշանակություն ունեցող վանքի սրբությունները և թանկարժեք հնությունները մի այլ փոխադրելու դժվարությունները, քանի որ դժվար է ապահով լինել, որ փոխադրության ժամանակ որևէ կորուստ չի լինի, և դրանք անկորուստ և ապահով կերպով Մոսկվայում կպահպանվեն ու ապագայում կփոխադրվեն Ս. Էջմիածին, ուշադրության առնելով նույնպես այն հանգամանքը, որ այժմ որևէ վրանգ չի սպասվում, ժողովը ցանկալի համարեց առայժմ Ս. Էջմիածնի հնությունները և սրբությունները պահել Ս. Էջմիածնում և չփոխադրել Մոսկվա»¹⁶:

Վիրահայության թեմ որպես Նորին Սրբության նվիրակ ուղարկվեց Էջմիածնի Սինոդի անդամ Մարթեոս եպիսկոպոս Մարթեոսյանը, որը հունվարի 20-ին Թիֆլիսում հայկական Կենտրոնական ազգային բյուրոյի նիստում հաղորդեց, որ Ս. Էջմիածնի Մայր Աթոռը ցանկանում է իմանալ Ազգային բյուրոյի անդամների կարծիքը, թե արդյո՞ք պատերազմի վրանգի պարճառով հարկավոր է Ս. Էջմիածնից փոխադրել թանկարժեք ձեռագրերը, հնությունները և այլ իրեր: Ազգային բյուրոն, քննարկելով այդ հարցը, ձայների մեծամասնությամբ կողմ քվեարկեց՝ նշելով, որ «վերոհիշյալ իրերը անհրաժեշտ է օր առաջ հեռացնել Էջմիածնից ամենայն ապահովությամբ»: Այդ բոլոր ազգային հարսությունները առաջարկվեց փոխադրել Նոր Նախիջևան և հանձնել այնտեղ ի պահ Նոր Նախիջևանի հայ հասարակության:

Այս առաջարկին կողմ քվեարկեցին Մեսրոպ եպիսկոպոսը և իր ութ կողմնակիցները, դեմ էին գրող Շիրվանզադեն և ժողովի ութ մասնակիցներ: Մակայն քանի որ նախագահող Մեսրոպ եպիսկոպոսը ուներ երկու ձայնի իրավունք, անցավ Մեսրոպ եպիսկոպոսի առաջարկը¹⁷:

Այդ նույն օրը Մարթեոս եպիսկոպոսը Թիֆլիսից մեկնեց Բաքու: Հունվարի 22-ին Բաքվի առաջնորդարանի շենքում կայացավ «առաջնորդական հիմնարկությունների և զանազան խավերի մարդկանց կողմից կազմված ժողով» Շամախու թեմի առաջնորդ Կարապետ եպիսկոպոսի նախագահությամբ և Մարթեոս եպիսկոպոսի ներկայությամբ: Ժողովին ներկա էին 30 անձինք: Ելույթ ունենալով՝ Մարթեոս եպիսկոպոսը մասնավորապես ասաց. «Ցանկալի է, որ այսօրվա ժողովը որոշի, թե ո՞ր պեպք է փոխադրել Էջմիածնի թանկարժեք իրերը, և կարևոր է արդյոք փոխադրել և ապա՝ ինչպե՞ս փոխադրել»:

Ժողովը «միաձայն որոշեց Էջմիածնի թանկարանն ու մատենադարանը փոխադրել Մոսկվա»¹⁸:

Հունվարի 25-ին Մայր Աթոռ վերադարձավ Թիֆլիս և Բաքու գործուղված Մարթեոս եպիսկոպոսը, որը զեկուցագիր ներկայացրեց Գևորգ Ե-ին իր գործուղման մասին: Նա մասնավորապես նշում էր, «Համաձայն Ձերդ Վեհափառության բանալի հրամանի, ես ամսոյս 18-ին գնացի Տփլիս և Բաքու՝ փոխական հասարակությունների ներկայացուցիչների հետ խորհրդակցելու Մայր Աթոռի թանկարժեք հնությունները և ձեռագրերը այլուր փոխադրելու մասին:

¹⁶ ՆԱԱՖ. 57, ց.2, գ. 2309, թ. 30:

¹⁷ Տե՛ս անդ., թ. 33:

¹⁸ Անդ., թ. 20

Ամսոյս 20-ին խորհրդակցութիւն եղաւ Տփլիսիւմ Ազգային բիւրոյի նիստում, իսկ նոյն ամսի 22-ին՝ Բաքում:

Երկու ժողովներն էլ երկար վիճաբանութիւն եւ թեր ու դէմ կարծիքների փոխանակութիւն ունենալուց, ինչպէս նաեւ իրենց հետաքրքրող հարցերի բացատրութիւնը լսելուց եւ քաղաքական հանգամանքները կշռադատելուց յետոյ յանգեցին եզրակացութեան, որի մասին կազմած են արձանագրութիւններ, որ սորա հետ ներկայացնում են Ձեր Վեհափառութեան ի պնօրինութիւն»¹⁹ :

Այս զեկուցագրից հետո Գեորգ Ե. Կաթողիկոսին մնում էր միայն կարգադրել, որ Էջմիածնի կայարան ուղարկէին բեռնարար վագոններ՝ եկեղեցական գույքը տեղափոխելու համար: Այս կարգադրութեան մասին տեղյակ պահելից Կովկասյան բանակի երկաթգծի պետը²⁰:

1915 թ. հունվարի 28-ին Ս. Էջմիածնի Սինոդը Էջմիածնի գավառապետ կոմս Լիւներմանին խնդրեց կարգադրել, որ փերովարի երկուսի երեկոյան Մայր Աթոռին տրամադրվի երեսուն սայլ, իսկ փերովարի 3-ի առավոտյան՝ տասը հոգուց կազմված ուղեկցորդ պահակախումբ, որպէսզի «Վաղարշապատ գյուղից մինչև Էջմիածին կայարան ուղեկցեն մայրավանքի թանկագին իրերէներին»²¹:

Ուղեկցելու համար Մայր Աթոռի կողմից նշանակվեցին Սինոդի անդամներ Մարթեոս եպիսկոպոս Մարթեոսյանը, Բարգեն վարդապետ Աղավելյանը, ինչպէս նաեւ Էջմիածնի Սինոդին կից հատուկ հանձնարարությունների համար չինովնիկ Նովիաննես Նիկիտի Մուշեղյանը²²:

Թիֆլիսում զինյալ պահակախմբի համար հոգ էր տանում Մեսրոպ եպիսկոպոսը: Փոխարքան կարգադրեց տրամադրել պահակախումբ մինչև Ռոստով²³:

Սակայն Կաթողիկոսը այս որոշումից զգոն էր եւ փերովարի 2-ին հեռագրելով փոխարքայի զինվորական մասի օգնական գեներալ Միշլանսկուն՝ պահանջեց անել անհրաժեշտ «կարգադրություն, որպէսզի պահակախումբն ուղեկցվի մինչև Մոսկվա»: Միշլանսկին խոստացավ եկեղեցական գույքն ապահովել պահակախումբով մինչև Մոսկվա:

1915 թ. փերովարի 3-ին, երեկոյան ժամը երեքին, եկեղեցական գույքը եւ ձեռագրերը 150 արկղով Մայր Աթոռի ներկայացուցիչների եւ չորս պահակների ուղեկցությամբ ուղարկվեցին Մոսկվա:

Մոսկվա ուղարկված իրերի մեջ էին՝ 22 եպիսկոպոսական թագ, 15 արծաթյա (մարգարաշէն) ականակուռ գոբիներ, 12 արծաթյա գոբի, մի գույզ արծաթե գոբի, գորգ, արծաթյա խաչեր, արծաթյա հրեշտակներ, արծաթյա մոմակալներ, արծաթյա թասեր, արծաթյա պսակ, արծաթյա ավելարարան մի արծաթե ոսկեգօծ փոքր սկուրեղ Աստվածածնի պարկերով, արծաթյա ավսեններ, արծաթյա ցնցուղ, սկիւն արծաթյա, արծաթե բաժակ, 39 ականակուռ խաչեր, փղոսկրից քանդակած ընկույզ, թանաքաման փղոսկրից, ոսկեգօծ գավազանի գլուխ, մի գրքի փղոսկրյա կազմ, մի տուփ արծաթյա ճաշի սպասք եւ այլ եկե-

19 Անդ, թ. 20

20 Տե՛ս ՆԱԱՖ. 56, ց.16, գ.544, թ. 68

21 Անդ, թ. 72

22 Տե՛ս անդ, թ. 77-79

23 Տե՛ս ՆԱԱՖ. 57, ց.2, գ. 2309, թ. 19

ղեցական իրեր: Իրերի ցուցակը կազմեցին Ս. Էջմիածնի Սինոդի անդամները Նուսիկ արքեպիսկոպոս Մովսիսյանը, Եփրեմ եպիսկոպոս Մուքիսյանը, Մարթնոս եպիսկոպոս Մարթնոսյանը և Բաբգեն վարդապետ Աղավելյանը:

Բացի վերոնշյալ եկեղեցական իրերից՝ Մոսկվա ուղարկվեցին վանական մարենադարանի և գրադարանի հնադարյան թանկարժեք ձեռագրերը:

Մինչև 1922 թվականը Նայ Եկեղեցու վերահիշյալ ունեցվածքը շարունակում էր գտնվել Մոսկվայում:

1922 թվականի մայիսի կեսերին Ամենայն Նայոց Կաթողիկոս Գևորգ Ե-ն Մոսկվայի հայ մրավորականության կողմից իրազեկում ստացավ այն մասին, որ Նայաստանի իշխանության կարգադրությամբ Մոսկվայից Երևան է փոխադրվել Մայր Աթոռի ունեցվածքը: Նայաստանյայց եկեղեցու Նովապետի համար նման նորություն անսպասելի էր, որովհետև այդ ունեցվածքը Նայ Եկեղեցու սեփականությունն էր, իսկ դրա իսկական տերը վերջինն էր իմանում ունեցվածքի վերադարձի մասին: Նայաստանի խորհրդային իշխանությունները հոգ չէին տարել Վեհափառ Նայրապետին տեղյակ պահելու դրա մասին:

Եւ այսպես, 1922 թվականի մայիսի 22-ին Նայ Եկեղեցու ունեցվածքը՝ 120 արկղ ձեռագրեր և հնություններ, Մոսկվայից ժամանեց Երևան: Մոսկվայից իրազեկում ստանալուն պես Վեհափառ Նայրապետը կարգադրեց «Ախգոր ներկայացուցիչներին»՝ տ. տ. Խոբեն և Բագրատ արքեպիսկոպոսներին դիմել Նայաստանի կառավարությանը և առաջարկել... թե ապահովության, թե ապագա պատասխանատվության և թե անկողնուստ պահպանության համար այդ արկղերը ոչ թե բացել Երևանում, այլ բերել Էջմիածին և այստեղ բանալ թե մեր և թե նրանց ներկայացուցիչների ներկայությամբ... Որովհետև այդ դարավոր հնությունները, ձեռագրերն ու սրբությունները հավաքված, ճշտացված ու պահպանված են եղել բացառապես հայ հոգևորականության ձեռքով, հայոց հայրապետների հորդորանքներով և Մայր Աթոռի նահապետի և անձնագոհի նվիրակների ջանքերով, նվիրությամբ հայ բարեպաշտ ժողովրդի, անթուն քրեմությամբ անբասիր հայ մարենագիր հոգևորականներին²⁴:

Մոսկվայից բերված եկեղեցական արժեքների վերաբերյալ Ամենայն Նայոց Կաթողիկոսի լիազոր ներկայացուցիչներ Խոբեն և Բագրատ արքեպիսկոպոսների և Նայաստանի ժողկոմխորհի նախագահ Ալեքսանդր Սյասնիկյանի միջև տեղի ունեցած բանակցությունները ոչ մի արդյունք չգտնեցին: Բոլշևիկյան կառավարությունը կորականապես դեմ էր, որպեսզի եկեղեցուն վերադարձվեր իր ունեցվածքը: Ավելին, 1922 թվականի մայիսի վերջին, Խորհրդային Նայաստանի նոր լուսժողկոմ Պողոս Մակինցյանը Մայր Աթոռ Սբ. Էջմիածին ուղարկեց մի խումբ ինժեներների և գործավարների, որպեսզի նրանք բացեն Մայր Աթոռի Մարենադարանի ձեռագրերի երկաթյա չեքիզվող պահարանները և տեղափոխեն Երևան: Նոր իշխանությունների կամայականություններից և թույլություններից հուսահատ, գայրացած Եկեղեցու նկատմամբ բարբարոսական վերաբերմունքից, Ամենայն Նայոց Կաթողիկոսը կոնդակով դիմեց միաբաններին, որում, փաստորեն, իր գնահատականն էր տալիս նորահայր կառավարիչներին. «Այդ հիշեցնում է պարսից Շահապուտի այն մրաժողությունը, որ Արարարյան երկիրը հայերից դարարկելու մրաժեց հայի սիրտն ու հոգին Էլ իր պաշտելի սրբավայրերից՝ Մայր Աթոռ Սուրբ Էջմիածնից պոկել ու ցամաքեցնել, մրա-

24 Տե՛ս ՎԱՎ ֆ. 57, ց.3, գ. 203, թ. 3:

ծելով քանդել Սուրբ Էջմիածնի Մայր Տաճարը և նորա քարերը Իսպահան փոխափոխել ու այնտեղ Նոր Էջմիածին կառուցել. այդ արևելյան բռնակալը հենց մնաց իր մրաժաժից՝ սրբապղծություն համարելով հայոց նվիրակ Սրբավայրի ավերելը: Սակայն այսօր, Ի դարձում մենք փեսմում ենք մեր պարիսպների մեջ մի նոր քանդող ձեռք, որ ուզում է քանդել, ոչնչացնել Մայր Աթոռի դարավոր Մարենադարանը՝ դիպմամբ, կարծես նորանոր դժվարություններ ու բարդություններ սրելով նկատարակով... Ես ինքս պիտի իջնեմ և իմ քկար անձով պաշտպանեմ իմ փունը քանդող ձեռքերից, որ ազգն ինձ է հավաքացել, որովհետև կասենք այն ժամանակ հայ ազգին այն, որ չբռնավ Մայր Աթոռը արևելյան բռնակալներից և քրիստոնյա միապետներից այժմ փեսավ Հայաստանի խորհրդային կառավարությունից»²⁵:

Այսպիսի կոնդակ գրելու համար պետք էր օժտված լինել անսպառ արիությամբ, որը, հիրավի, ուներ Վեհափառ Հայրապետը: Կաթողիկոսը, փաստորեն, բաշխիկներին հայրաբարում էր քաղաքակրթության թշնամի, բարբարոս, շար ավելի դաժան, քան եղել է պարսից շահը:

Եկեղեցական ունեցվածքի խնդիրը օղից կախված մնաց: Խորհրդային իշխանությունները չհանդգնեցին ամբողջությամբ մերժել Եկեղեցու պահանջը, իրենք որևէ որոշում չընդունելով, սպասում էին, թե ինչ կասի Մոսկվան: Շուրջով վերելից ցուցումներ ստացվեցին, որոնց համաձայն Եկեղեցուն պարկանող բոլոր ձեռագրերը հանձնվեցին Հայաստանի գիտահետազոտական ինստիտուտին՝ փոխադրելով Երևան: Ս. Էջմիածնի բոլոր «կուլտուր-լուսավորական» արժեքները, որ բաշխիկները համարում էին հակահեղափոխության ունեցվածք, ՀԿ(բ)Կ կենտրոնի քարտուղար Ա. Նովիանինսյանի առաջարկությամբ, ազգայնացվեցին իր՝ Ս. Կասյանի կողմից հնարված և ստորագրված դեկրետով²⁶:

Ներագայում Մայր Աթոռ Ս. Էջմիածնի ունեցվածքի մի մասը վերադարձվեց իր իսկական փիրոջը, իսկ 30 արկղ Մայր Աթոռ Ս. Էջմիածնի գանձերից այդպես էլ Մոսկվայից չվերադարձվեց:

Մայր Աթոռի գանձերի երկրորդ հափշտակումը Խորհրդային իշխանության կողմից փրկի ունեցավ անմիջապես Խորեն Ա. Մուրադբեկյանի սպանության հենց հաջորդ օրը՝ 1938թ. ապրիլի 6-ի առավոտյան: Այդ ժամանակ Մայր Աթոռ Ս. Էջմիածնի Նին Վեհաբան ներխուժեցին ներքին գործերի աշխատակիցները: Թե նրանք ինչ արեցին Վեհաբանում, վկայում է Հայաստանի Ներքին գործերի ժողկոմ Վիկտոր Խվորոստյանը: 1938 թվականի հունիսի 4-ին, ելույթ ունենալով Հայաստանի կոմկուսի 11-րդ համագումարում, իր գեկուցման մեջ նա մասնավորապես ասաց հետևյալը.

«...Ես պետք է ասեմ նաև, ընկերներ, որ այդ «սուրբ հայրերը» իրենց մոտ՝ հողի մեջ, շենքի փակ որոշ արժեքներ են պահել: Նարկ եղավ հին ցուցարիները մի կողմ նետել և գեպրից հանել 15 փութ արծաթ, 3.5 կգ. ոսկի և թանկարժեք քարեր... Այդ ամենը մուծվել է պետական գանձարան»²⁷:

²⁵ Անդ:

²⁶ ՀԱԱ ֆ. 1, ց. 72, գ. 56, թ. 28:

²⁷ **Ստեփան Կերտոզ**, Հայ հոգևորականության մասնակցությունը XX դարի պարերազմներին և հայ ժողովրդի ազգային-ազատագրական շարժումներին, Երևան, 1999, էջ 36:

Մայր Աթոռի գանձերը՝ ոսկին և արծաթը փարվել էին Մոսկվա և հանձնել ԽՍՀՄ ֆինանսների ժողկոմիսարիատի Թ-անգակին մեքսիկացիների վարչություն, իսկ թանգակին քարերը հանցձնվել էին ֆինանսների ժողկոմի և ներքին գերատեսչության: Նայասարանի փառաձայն քաղաքացիներից և հիմնարկություններից առգրավված արժեքները 1938 թ. հոկտեմբերի 28-ին Մոսկվա փարավ ՆԽՍՀ ֆինանսների ժողկոմի հատուկ բաժնի պետ Կուրյալանը, որին, «գործերը հաջող ավարտելու համար» ժողկոմարը պարգևատրեց 500 ռուբլով:

Մոսկվա ուղարկված արժեքներն այնքան շատ էին, որ Կուրյալանը իրեն հարկացված երկշաբաթյա ժամկետում չկարողացավ ավարտել փաստաթղթային ձևակերպումները և ՆԽՍՀ ֆինանսների ժողկոմը հատուկ բաժնի պետ նշանակեց Ս. Նազարյանին:

Նայասարանը թեև ակտիվ է իր պատմության մի նոր ժամանակաշրջան՝ ԻԱ. դար: Այսօր Նայասարանի անկախ հանրապետությունը ինքն է պնդում թե ներքին և թե արտաքին խնդիրները: Ակամայից հարց է առաջանում՝ արդյոք ճիշդ ժամանակը չէ, որ Մայր Աթոռ Ս. Էջմիածինը դիմի ՆՍ Կառավարությանը միջնորդելու Ռուսաստանի Դաշնության կառավարությանը՝ պահանջելու ժամանակին Մոսկվայի պահոցներն ուղարկված հայ ժողովրդի և հայ Եկեղեցու դարավոր արժեքները: